

Aides phlicht

der Procuratores des
Landdrechten.

In werdet des Allerdurchleuchtigisten / Grofmächtigisten R^ö /
mischen / auch zu Hungern vnnnd Behaim. 2c. Khünigen / Erz /
herzogen Ferdinand. 2c. Vnsers aller gnedigisten Herrn vnnnd
Landfürsten / Landmarschalh / in Namen Irer Khü. Ma. 2c. Ge /
loben / vnd zu Got vnd den Heiligen ainen Aidt schweren dz jr die
Partheien der sachen zu handln jr annemen werdet / in denselben
sachen nach Ewrem pesten verstandt / den Partheien zu guet vnd
mit vleiß fürbringen / handeln / vnd darinnen wissendlich thainer /
lay falsch oder vnrecht gebrauch / oder geuerlich Schuß / vnnnd
Dilation züerlengerung der sachen suechen / nicht vnderweisen /
Auch mit den Partheien thainerlay vorgedingung oder vorwort
machen / ainem tail von der sachen / der jr im Rechten Procurator
seid zühaben oder züwartten / Auch haimlichheit vnd behelß / so
jr von den Partheien erlernen werdet / in züschaden niemands of /
fenbaren / das Gericht / vnnnd die Gerichts personen / Eren vnd
füedern / vnd vor Gericht Erberthait zügebrauchen / vnnnd le /
sterung bey peen nach mässigung des Gerichts züermei /
den / Darzue die Partheien vber den Soldt oder Lon /
den Sy euch nach mässigung des Gerichts nun hinsür
geben werden / Vnd dabey jr es dann beleiben lassen
sollet / nicht beschwären / noch darüber zühöchern /
das jr euch auch der sachen so jr angenomē habt
on Rechtlich vsachen / vnnnd des Rechten er /
thantnis / vor erörterung derselben nicht
wellet entschlachen / vnd ewren Parthei /
en getrenlich / vnz zü ende des Rechten
warten / vnd handln / alles getrew /
lich vnnnd vngenerlich.

Land